

## **Konferencija o sigurnosti na zapadnom Balkanu 2008**

### **Interkulturalni dijalog - Zaključci**

Evropa je danas obilježena kulturološkom raznolikošću i procesom evropske saradnje i integracija. Prvi put u istoriji evropske države i narodi imaju priliku da žive zajedno u miru, sigurnosti i prosperitetu na autentičan i održiv način. Funkcionalan interkulturalni dijalog je osnovni preduslov u tom pogledu.

Kulturološka raznolikost predstavlja izvor bogatstva i mogućnosti, ali i izazov kreiranja jedinstvenog tkiva opšte prihvaćenih vrijednosti i pravila suživota. Demokratija i vladavina zakona, individualna ljudska prava, jednaka prava za muškarce i žene, i separacija religije od države su ključne osnove naših slobodnih, modernih društava i plodnog interkulturalnog dijaloga.

Evropske zemlje su trenutno okupirane pitanjima imigracija i interkulturalnog dijaloga i integracija na različite načine. Dakle, iskustva, znanja i pristupi političkim rješenjima su drugačiji u svakoj zemlji.

Uprkos ovim razlikama, interkulturalni dijalog postaje sve veći izazov za Evropu u cjelini. Razlog za prethodno je povećanje međunarodne međuzavisnosti i konstantnog pritiska migracija u Evropi, što će takođe postati uzrok zabrinutosti za Centralnu i Jugoistočnu Evropu, imajući u vidu njihova dinamička ekonomska kretanja.

Koordinirane mjere u oblasti interkulturalnog dijaloga i integracija, te postepen razvoj zajedničkog evropskog okvira za ove političke oblasti poprimaju značaj za Evropu u cjelini.

Zemlje Centralne i Jugoistočne Evrope, članice Salzburškog foruma, i njihovi partneri sa zapadnog Balkana imaju potencijal da odigraju prilično formativnu ulogu u ovom kontekstu. Sve su stekle pozitivna i negativna iskustva suživota različitih kultura i sposobne su donijeti relevantne zaključke. Štaviše, u njima trenutno vlada mir na relativno malom prostoru i one rade na zajedničkoj budućnosti u okviru Evropske unije.

Ministri unutrašnjih poslova imaju posebnu ulogu u tom pogledu: obzirom da su odgovorni za unutrašnju sigurnost, morat će pokazati poseban interes za ljude koji skladno žive zajedno u njihovim zemljama i širem okruženju. Dakle, funkcionalan interkulturalni dijalog je važan instrument preventivne sigurnosne politike.

Ministri Salzburškog foruma i njihovi partneri na zapadnom Balkanu („Prijatelji Salzburškog foruma“) otvaraju projekat „Interkulturalni dijalog i unutrašnja sigurnost“, čiji je cilj, između ostalog, pružanje doprinosa Godini Interkulturalnog dijaloga u Evropskoj uniji 2008. Njihovi ciljevi su sljedeći:

- unapređenje interkulturalnog dijaloga u svojim zemljama kao i u Centralnoj i Jugoistočnoj Evropi u cjelini;
- razmjena nacionalnih iskustava i razvoj modela najboljih praksi;
- pružanje zajedničkih doprinosa debati na evropskom nivou.

Članice Salzburškog foruma i njihovi partneri sa zapadnog Balkana će razvijati koncept Interkulturalnog dijaloga i unutrašnje sigurnosti, uključujući odgovarajući set mjera, do ljeta 2009. godine. Austrija i Bosna i Hercegovina će zajedno preuzeti ulogu koordinatora budućih aktivnosti.

**Zaključci zemalja učesnica Salzburg Forum-a  
na Konferenciji o sigurnosti na zapadnom Balkanu  
Beč, 16. – 18. Jula 2008. godine**

Ministri Salzburg Foruma koji su se sastali povodom tradicionalnog ministarskog sastanka u ljetnom periodu, na Konferenciji o sigurnosti na zapadnom Balkanu, u Beču od 16. – 18. jula 2008. godine, su razmatrali ključna pitanja tekućih aktivnosti EU u oblasti unutrašnjih poslova.

Prisutni su na ovom sastanku na visokom nivou razmatrali buduću politiku EU u oblasti unutrašnjih poslova i Francusku inicijativu o Evropskom Paktu migracija i azila.

Nakon detaljne rasprave, zemlje učesnice Salzburg Foruma su odlučile

- Da i dalje jačaju Centralnu evropsku operativnu mrežu (CEON) kako bi ostvarile maksimalnu sigurnost zemalja učesnica Salzburg Foruma i njihovih građana;
- Da pružaju podršku konceptu EU politike migracija i azila koji je nastao kao rezultat različitih političkih inicijativa, e.g. Prijedloga Francuske za Evropski pakt migracija i azila;
- Da pružaju podršku Poljskoj i Ukrajini prilikom organizacije Evropskog fudbalskog prvenstva 2012. godine i održavanju radionice o iskustvu Austrije u toku prvenstva EURO 2008, u okviru Radne grupe za velike događaje Salzburg Foruma;
- Da pružaju intenzivniju podršku zemljama zapadnog Balkana u njihovim naporima da dostignu EU standarde u oblasti unutrašnjih poslova (kao što je navedeno u Zajedničkoj deklaraciji Konferencije o sigurnosti na zapadnom Balkanu).

Učesnice Salzburg Foruma su pozdravile projekte Francuskog predsjedanja EU u oblasti unutrašnjih poslova, kao i inicijative Mađarskog predsjedanja Salzburg Forumom, i izrazile namjeru da i dalje ustraju u zajedničkim naporima s ciljem pronalaska efikasnih rješenja u pogledu sigurnosti evropskih građana.